

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša

Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy, Infrastructure, Physical
Planning, Construction and Environmental Protection

Broj: 05-19-33180/23
Sarajevo, 18.07.2023. godine

Na osnovu članova 3. i 5. Zakona o zaštiti okoliša ("Službene novine Federacije BiH" br: 15/21), člana 34. Zakona o izvršavanju Budžeta Kantona Sarajevo za 2023. godinu („Službene novine Kantona Sarajevo“ br: 15/23), Odluke o usvajanju Programa utroška sredstava putem transfera neprofitnim organizacijama Ministarstva komunalne privrede, infrastrukture, prostornog uređenja, građenja i zaštite okoliša („Službene novine Kantona Sarajevo“ br: 29/23) i Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“ br: 22/21 i 13/22), Ministar komunalne privrede, infrastrukture, prostornog uređenja, građenja i zaštite okoliša donosi

UPUTSTVO
za podnosiocе prijava na Javni poziv
za finansiranje/sufinansiranje projekata neprofitnih organizacija iz oblasti zaštite okoliša
sredstvima Budžeta Kantona Sarajevo za 2023. godinu

Cilj ovog Uputstva je davanje dodatnih uputa podnosiocima prijava na Javni poziv za finansiranje/sufinansiranje projekata neprofitnih organizacija iz oblasti zaštite okoliša sredstvima Budžeta Kantona Sarajevo za 2023. godinu.

Osnov za raspisivanje ovog Javnog poziva je Program utroška sredstava putem transfera neprofitnim organizacijama Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo utvrđenih Budžetom Kantona Sarajevo za 2023. godine.

Opći cilj javnog poziva je podrška rada neprofitnih organizacija iz oblasti zaštite okoliša, a koji doprinosi podizanju svijesti kod građana Kantona Sarajevo o značaju očuvanja okoliša, shodno Strategiji razvoja Kantona Sarajevo.

Specifični cilj finansiranja/sufinansiranja projekata ogleda se kroz sljedeće **prioritete**:

- zaštite prirode i očuvanja prirodnih resursa,
- unapređenje upravljanja različitim vrstama otpada
- jačanje svijesti o značaju kvalitetnog upravljanja otpadom
- zaštita zraka uz poticanje racionalnog korištenja energije
- edukacijske i informacijske aktivnosti u području zaštite kvaliteta zraka
- konkretne akcije uređenja okoliša (čišćenje, pošumljavanje, ozelenjavanje, uređenje obala rijeka, planinskih staza, čišćenje korita rijeka i sl.),



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba

- konkretne akcije unapređenja ekološke svijesti javnosti (edukacija kroz boravak u prirodi, edukacija putem medija, printanih materijala i sl.).

Financijska sredstva za realizaciju po osnovu ovog Javnog poziva obezbijedena su u Budžetu Kantona Sarajevo za 2023. godinu, na razdjelu Ministarstva komunalne privrede, infrastrukture, prostornog uređenja, građenja i zaštite okoliša, u ukupnom iznosu od 50.000,00 KM.

Pravo učešća i pravo na dodjelu sredstava imaju registrovane neprofitne organizacije, čiji je jedan od ciljeva djelovanja iz oblasti zaštite okoliša, a koje ispunjavaju opće uslove iz Javnog poziva. Potrebno je da aplikanti dostave Statut ili Osnivački akt iz kojeg se jasno vidi da je jedno područje djelovanja oblast zaštite okoliša, odnosno da je jedan od ciljeva zaštita okoliša.

Aplikanti mogu aplicirati za finansiranje/sufinansiranje samo jednog projekta.

Aplikanti trebaju popuniti i dostaviti Obrascе za prijavu na javni poziv kao i Obrascе za budžet koje mogu preuzeti na web stranici Ministarstva.

Troškovi koji se mogu finansirati/sufinansirati dodijeljenim sredstvima po ovom Javnom pozivu odnose se na troškove (administrativni i direktni), koji su vezani za realizaciju projekta sa kojima je udruženje apliciralo, te za koja su odobrena sredstva, uz uslov da su troškovi iskazani u Obrascu budžeta projekta.

Neprihvatljivi troškovi koji se ne mogu finansirati/sufinansirati dodijeljenim sredstvima odnose se na troškove koji nisu predviđeni budžetom projekta korisnika sredstava i troškovi koji su nastali prije odobravanja sredstava po ovom javnom pozivu.

Odobrena sredstva za realizaciju troškova projekta, korisnici sredstava treba da koriste za:

- administrativne troškove maksimalno do 30% (npr. naknade za administrativne poslove, najam ureda, režije, telefonski troškovi, kancelarijski materijal, usluge knjigovodstvenog servisa i sl.)
- projektne aktivnosti, minimalno 70%.

Prilikom realizacije projekta neophodno je da Ministarstvo i korisnik sredstava poštuje pravila vidljivosti.

U cilju primjene pravila vidljivosti, korisnik sredstava je u obavezi da objavljuje informacije o finansiranju/sufinansiranju aktivnostima na različite načine: na službenim web stranicama, putem medija, brošura, konferencija na određenu temu i publikacija vezanim za određeni program, a na način uređen ugovorom o dodjeli budžetskih sredstava putem transfera.

Izbor korisnika sredstava vrši Ministar, u skladu sa kriterijima utvrđenih ovim Uputstvom, a u skladu sa preporukom Komisije za provođenje ovog Javnog poziva. Komisija se sastoji od 3 (tri) člana i sekretara Komisije, koji imaju neophodna znanja i iskustvo iz oblasti zaštite okoliša, budžeta i finansija, te prava.

Kriterij za izbor korisnika budžetskih sredstava:

Komisija će prilikom administrativne provjere prijave, utvrditi sljedeće:

- a) da li je prijava na javni poziv dostavljena u blagovremenom roku,
- b) te da li je prijava potpuna, odnosno da li je dostavljena sva tražena dokumentacija



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba

- c) da li je dostavljena dokumentacija, potpisana i ovjerena
- d) da li je lokacija provođenja projekta prihvatljiva
- e) da li je projekat ranije podržan od strane Ministarstva,
- f) da li projekat ispunjava opće uslove iz ovog poziva,
- g) da li je projekat prijavljen na način propisan ovim pozivom,
- h) da li projekti imaju korecijalni ili isključivo naučno-istraživački karakter,
- i) da li je projekat napravljen samo u korist članova organizacije/udruženja,
- j) da li projekat ima konkretne i mjerljive aktivnosti.

Dokumenti koje je potrebno dostaviti u prijavi:

1. Rješenje o registraciji (ukoliko je izmijenjeno, dostaviti i osnovno rješenje) OK1
2. Statut ili osnivački akt iz kojeg se vidi područje djelovanja (jedan od ciljeva mora biti zaštita okoliša) (OK: 1)
3. Uvjerenje o poreskoj registraciji – identifikacioni broj i račun u poslovnoj banci OK1
4. Finansijski izvještaj o uredno ispunjenim obavezama iz prethodno zaključenih ugovora, te o utrošku sredstava za projekte odobrene od donatora u prethodnoj godini OK2
5. Uvjerenje o izmirenim poreskim obavezama ili uvjerenje poreske uprave da udruženje/organizacija nije poreski obveznik; OK3
6. Uvjerenje/Potvrda da se protiv udruženja i odgovornog lica, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup OK4
7. Za podnosiocе prijava koji su neprofitne organizacije, a na koje je preneseno javno ovlaštenje, internim aktom uspostavljen model dobrog finansijskog upravljanja i kontrola u skladu sa Zakonom o finansijskom upravljanju i kontroli u javnom sektoru u Federaciji BiH („Službene novine Federacije BiH“, broj 38/16), način sprečavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse za provođenje programa ili projekata, programa javnih potreba, javnih ovlaštenja, odnosno pružanje socijalnih usluga i sl.
Ovaj dokument nije potreban za neprofitne organizacije koje nemaju preneseno javno ovlaštenje, za što se dostavlja Izjava. OK5
8. Ovjerena Izjava odgovornog lica udruženja o materijalnoj i krivičnoj odgovornosti za istinitost dostavljene dokumentacije i podataka.

Dokumentaciju je potrebno numerisati i dostaviti redosljedom kako je navedena.

Nakon administrativne provjere, Komisija će izvršiti ocjenjivanje projekata, tako što će naročito voditi računa o izboru projekata koji su od koristi za građane Kantona Sarajevo, te usklađenosti projekta sa općim i specifičnim ciljevima Javnog poziva, a sve u svrhu postizanja Strateškog cilja Kantona Sarajevo „Odgovorno upravljanje okoliše, prirodnim i infrastrukturnim resursima“.

Bliže odredbe o načinu rada Komisije, utvrđuju se Poslovníkom o radu Komisije, koji Komisija donosi na 1. (prvoj) radnoj sjednici, shodno članu 16. Uredbe.

Objavljivanje rezultata o izboru korisnika sredstava po javnom pozivu vrši se na službenoj web stranici Ministarstva.

Protiv odluke o izboru korisnika može se podnijeti prigovor ovom Ministarstvu u roku od 7 (sedam) dana od dana dostavljanja pismene obavijest podnosiocu čija prijava nije prihvaćena za finansiranje i sufinansiranje.

Svaki član Komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba

Ministarstvo će sa korisnicima sredstava potpisati Ugovore o dodjeli transfera za finansiranje/sufinansiranje projekata, kojim se regulišu sva bitna pitanja za ugovorne strane, koja su detaljno uređena Uredbom.

S tim u vezi, Ugovor treba da sadrži sljedeće elemente:

1. Pravni osnov za dodjelu sredstava,
2. Osnovne informacije o davaocu i korisniku sredstava,
3. Svrhu dodjele sredstava putem transfera,
4. Ukupan iznos dodijeljenih sredstava,
5. Prihvatljive i neprihvatljive troškove,
6. Vrijeme i mjesto provođenja aktivnosti projekta,
7. Modalitete za praćenje i ocjenjivanje, te namjensko trošenje dodijeljenih sredstava, uključujući izvještaje o aktivnostima i finansijsko izvještavanje, kao i rokove predaje izvještaja
8. Obavezu korisnika da u svim prilikama u kojima je moguće, kroz promotivne i medijske nastupe, istakne da je projekat finansijski podržan od strane Ministarstva, uz isticanje naziva Ministarstva i logotipa Kantona Sarajevo.

U procesu realizacije projekta korisnik sredstava treba obezbijediti dokumentaciju iz koje je vidljivo da je projekat za koji su odobrena sredstva realizovan i da su nastali troškovi rezultat aktivnosti predmetnog projekta, u skladu sa predviđenim troškovima u budžetu projekta, a sve u svrhu potvrđivanja namjenskog utroška dodijeljenih budžetskih sredstava.

Sve dodatne informacije mogu se dobiti putem email-a:

jasmina.zelic@mkipgo.ks.gov.ba

lejla.vranesic@mkipgo.ks.gov.ba

selma.sokocevic@mkipgo.ks.gov.ba

Prilog:

Javni poziv <https://mkipgo.ks.gov.ba/aktuelno/konkursi>

Obrazac za prijavu <https://mkipgo.ks.gov.ba/aktuelno/konkursi>

Obrazac narativnog i finansijskog izvještaja <https://mkipgo.ks.gov.ba/aktuelno/konkursi>



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba